

# *Bin angmaykuy toto angpønjo'*

*Lengua zoque  
San Miguel Chimalapa, Oaxaca*

*Primer grado*



---

---

---

NOMBRE DEL ALUMNO (A)

---

ESCUELA                              GRUPO

---

POBLACIÓN

---

ENTIDAD FEDERATIVA

Este libro de texto ha sido elaborado por el Gobierno de la República y se entrega en forma gratuita a los niños de las escuelas primarias del país.

Los juicios y opiniones de los maestros, de los padres y de los alumnos son muy importantes para mejorar la calidad de este libro. Sus comentarios pueden ser enviados a la siguiente dirección:

COMISIÓN NACIONAL DE LIBROS DE TEXTOS GRATUITOS

Rafael Checa núm. 2 col. Huerta del Carmen  
C.P. 01000, México, D.F.

Las obras de arte que ilustran las cubiertas de los libros de texto gratuitos son representativas de las grandes etapas del arte mexicano. Constituyen un valioso respaldo educativo y son motivo de orgullo nacional.

**SEP**



# *Bin angmaykuy toto angponjo'*

*Lengua zoque*

*San Miguel Chimalapa, Oaxaca*

*Primer grado*



**Libro de texto en lengua zoque de San Miguel Chimalapa, Oaxaca.**

Elaborado en la Dirección General de Educación Indígena de la Subsecretaría de Educación Básica de la Secretaría de Educación Pública.

**Autor**

Enrique Cruz Lorenzo

**Colaboradores**

Elidio Jiménez Gutiérrez, Raúl Sánchez Domínguez, Cuauhtémoc Martínez Gutiérrez,  
Adelaido Jiménez Cruz, Andrés Cruz Pérez, Gelasio Sánchez Morales,  
Evodio Miguel Cruz y Aristeo Cruz Sánchez.

**Fotografía e Ilustración**

Archivo Iconográfico de la Dirección General de Educación Indígena  
y Jaime García.

**Diseño de Portada**

Comisión Nacional de Libros de Texto Gratuitos, con la colaboración de  
Luis Almeida

**Ilustración de Portada**

“Vendedora de frutas”, Olga Costa (1913-1993)  
Óleo sobre tela, 1951, 195 x 245 cm.  
Museo de Arte Moderno, INBA, CNCA  
Reproducción autorizada por el  
Instituto Nacional de Bellas Artes y Literatura

**Fotografía de Portada**

Javier Hinojosa

D.R. © Ilustración de Portada, Olga Costa/INBA  
D.R. © Secretaría de Educación Pública, 1994  
Argentina No. 28  
Col. Centro. C.P. 06029  
México, D.F.

**ISBN      Obra General    968-29-7403-8  
              Parte 1    968-29-7404-6**

Primera reimpresión 2003  
Segunda reimpresión 2006  
Tercera reimpresión 2008

Impreso en México

# **PRESENTACIÓN**

**E**l libro de texto en lengua indígena, está pensado para que los niños dominen la lectura y escritura en su lengua materna. La enseñanza a partir del lenguaje del educando garantiza el aprendizaje, debido a que se facilita la comunicación y como resultado se obtiene la comprensión y un mayor aprovechamiento escolar.

El libro está elaborado por profesores indígenas con experiencia frente a grupo y conocimientos profundos de su lengua y cultura. La elaboración se hizo a partir del enfoque pedagógico que recomienda el Programa Nacional para la Educación Primaria 1993, de esta manera se cuenta con materiales actualizados que dan respuesta a las necesidades de aprendizaje de los educandos acorde a los avances del conocimiento educativo, propósito del Acuerdo Nacional para la Modernización de la Educación Básica.

Este libro es una respuesta para ser enriquecida en forma permanente; con los resultados que se obtengan de la aplicación en el presente ciclo escolar, se realizarán las adecuaciones necesarias correspondiendo a las necesidades de aprendizaje y a las perspectivas lingüísticas y culturales del niño.

Los comentarios de los profesores, padres de familia, comunidades y organizaciones civiles, indígenas serán de gran valor para su actualización.

Agradecemos a los profesores bilingües, supervisores escolares, jefes de zona de supervisión y padres de familia por su entusiasmo y participación en la revisión de la primera redacción del libro en lengua indígena, cuyas recomendaciones enriquecieron los contenidos temáticos.



# *Okmangkuy*

Bi angmaykuy toto angpønjo, tsøki winjok amintø, bi unedøkaygo' øy jowanxukpa y jayoxukpa biy angpøn tsamejo. Bi angmaykuy une iy angpønjo muxoba, dexe nømoba tsame iy yøktø'øba.

Bi angmaykuy toto tsøkø muxobak angpøng pøng, yoxampø unedøkay jønang, øy muxpa bi tsame y bi jejkuy pøngdøkay øtyi. Yø toto tsøki ney dexe junan tumødøkay angmaykuy toto 1993, dexe øn angitampa yejaama' xeje angmaykuy toto en tedampa muxoxukpago' bi unedøkay.

Yø angmaykuy toto, yø tum winjok jae nømoba øn yak wøjødamø jemji jaama', øn amadampa wøjø nøkoba bit yoxkuyjo yø' amintø, øn yak wøjtsøktampa, muxoyxukpago' angpønjo unedøkay.

Bi tsame muxobadøkay øtyi, jaatong døkay øtyi, kumkuy øtyi, øn matonjadampa yak wøjødampago' yø' toto.

Yøxkomtsøkpa angpøng muxobak pøngdøkay, ankimobadøkay, jaatongdøkay øy nømø iy joixø yø jae toto angpøng tsamøjo bi winjok amintø.



PUEBLA



GUERRERO

GOLFO DE MÉXICO

VERACRUZ

TABASCO

OAXACA

Sta. María Chimalapa

San Miguel Chimalapa

Cieneguilla

Santa Inés

Benito Juárez

Emiliano Zapata

CHIAPAS

GOLFO DE TEHUANTEPEC

OCEANO PACÍFICO



# Í N D I C E

1	Bi tøk øy koyumidøkay	13
2	Bi kumkuy	57
3	Bi tsamkuy	103
4	Biy tsøkidøkay	151





**Bi tøk øy koyumidøkay.**

**Yø' dø tøkjo jøjpa yø pøng biy mø' jønang  
y biy manakdøkay.**







## Tøk øy koyumi manakdøkay jønang.

Yø' tøkjo jømji yoxukpa, manakdøkay y awindøkay bi jaatong yoxpa kuyjo.  
Bi mama ane tsanpa, øy pønøkpa yujkuyjo bi jaatong.



Bi tatbida jepa'.

Tí nømøy tsøkø bi tatbida.

---



Bi yooma' paata takpa.

Tí nømøy tsøkø bi yooma'.

---



Chik jay'une køpi kapnøkpa.

Tí nømøy tsøkø chik yom'une.

---



Chik yom'une petpa angkøjo.



Tí nømøy tsøkø bi chik yom'une.

---

# Lochu y biy awindøkay



# Jayø biy nøjidøkay.



# Jayø yam tsøktajak tsame.



ane

awa'

Bi yooma' nømøy \_\_\_\_\_ tsøkø.



aju

ákxi

Bi \_\_\_\_\_ mok wixpa.



axux

najak


Chik yom'une \_\_\_\_\_ maøba.



## kotsonkuy.

Bi pøngdøkay nømøy tøk tsøkxukø, awin  
angpakxukpa, iy xøjø tsøkxukpago', ya jayø  
tukpa bi tøk.

**Tsøkø junang bim tøk.**




**Jayø junang bim tøk.**



**Jebe chik une øy winakadøkay  
tsamxukpa. Tí biy nømxukpa.**





**Yaktanø bi jaye tsame yam jaytaja.**



## Jomoxtukuy.



Ay angikpa, ya dø kuy  
okox mix oton'øpa, ya  
nømon tsame, mix  
yanwakpa bit, yakti yan  
nømø, jomoxtukø iwø døx.



Tsunxukpa bi kuydøkay dø  
amaxukpa nømøn jøyø,  
tsokoy tøkøxukpa bi  
kumkuyjodøkay.

# Jomoxtukuy tsøkø.



---

---

---

---

ukum

---

---

---

---



kuma'

---

---

---

---



mupe

---






---

---

---



une



# Yaktane bi tsame, jayja bi u.



—k\_\_m

—x\_\_

—ne



k\_\_ma'

m\_\_pe


p\_\_j




n\_\_'


x\_\_wi

k\_\_r\_\_



**Jaytanø bi tsame nøntiwø.**





## Xuyu notskuy.



Nøkodama gajan,  
minodama yøjøn,  
ten witudama  
tsønkøtaktama.



Tsiø, tsiø, tsiø  
tsi bi xuyu notskuy,  
øm tsipa bit,  
jømji pln'oxukpa.





imunix



iki




inø



niwi



jiya'



winu



xitsi



tsin



pixtøk


## **Bi jayniwi.**

Tum jayniwi nømøy tsamtøkawø biy manakdøkay.



Nømø øy nømjayø uwi tenxukø tun aka gaji pøkxupa bi pøngdøkay, unedøkay, yooma'døkay.


Nømoba yak tukø døm winja'.

**Jowane bi tsame, tsøkø ti biy  
nømpa.**



**Jayø bi tsame øy nøkpaji.**





## Bi kotsøk.

Tum kotsøk tej'awø jaama' tsotpaji. Køjøkan  
pøtpa bi pajak, an'aka patømpa tum wøti  
kuy okox, gaja nøkpay tsinxukø bi  
pøngdøkay.

Yajijo jak mooso kejpa.

**Bi kuy okox komi.**



**Bi mok pak jaatø.**



**Bi koke wakxin.**



**Bi omokuy wøjpa.**



# **Yaktane bi tsame.**



**Metsan jaatø \_\_\_\_\_  
nukpa,**

**kuy okox**



**\_\_\_\_\_ tsøkpa bi køpi.**

**omokuy**



**Bi \_\_\_\_\_ jak tsoke.**

**koke**



**Jak tukø dø \_\_\_\_\_.**

**mok pak**



**Bi yooma' \_\_\_\_\_  
pokøwikpa.**

**oma**



nøts

tøk


mø'a

xøk

køak

møng

**Jayø bi tsame øy nøkpaji.**



**Bi nøts jøjpa  
tsamkuyjo.**



**Jamajo wanakpa  
mø'adøkay.**



**Xøk xoxø bin tsøtsø.**



**Dø føk jak tukø.**





## **Bi yaku chik mø'a.**

Tum pøng tunjo,  
øy patø tum ckik mø'a,  
tum kuy mixtu jønang  
wøjø wit awing axukø,  
wanakxukø øy nø' ukxuki  
chik pajak aka,  
øy ixukø tum ap kajang  
nømøy køxø tum nøts,  
angjøkxukø ya nø' ukxukam  
wøjøk poe wituxukø.

**Tsøko ti biy pokjayø bi chik mø'a.**



# Jayø bi tsame øy nøkpaji.




tøk


nøts

xøk

køak



**Jayø bi tsame tsøki jepe køtøkjø.**






Nømpa bi yooma'  
bi eken jak tukø  
gaji øy tsøkpa bi  
ane nønti bit bi  
køpi ya tuknø bi  
ane jømbi tøoba bi  
eken nøkpago' øy  
y o x u k ø b i  
p ø n g d ø k a y  
yujkuyjo.




# Yakyanø y jayø bi e.



# Jayø bi e tanpago' bi tsame.



\_k\_n




un\_




an\_



p\_tkuy



j\_p\_



w\_ka

# Møtsi wane.

Døx bi a, døx bi a,  
xaminwitudan.

Mix bi e, mix bi e,  
tsønkøtaktan.

De' bi i, de' bi i,  
tsankuy tokxtan.


Døxja' bi o, døxja' bi o,  
mankuy pakødan.

Nenja' bi u, nenja' bi u  
kopak pintan.

Ga'døkay bi ø, ga'døkay bi ø'  
yukpoytan.



# **Tim anikpa døm kopakjo jayø.**




**metsan tatsøk**


**metsan witøm**



Nø' kuk dø tej'awø  
ya døx bit ya xøjøxukø  
døx winjok jayø  
jomoxtukø iwø døx.




Nax kopak kuk dø tej'awø  
ya dø jaama', ya dø xepø,  
en yak takxpa bi matsa'døkay  
ya tsujixta.



Jaama' kuk dø tej'awø  
ya nømo øn yak takxø  
døx dø winjo y kukjo  
jemji øyti,  
ya nømon takxø.



# yaktanø bi tsame.





nu'

Tsoa bi jayø biy nøji jønang.

tsa'

nø'

nu'






**nu'**

**nø'**


**tsa'**



**yooma'**

**awa'**

**kuma'**



**tsoja'**

**tsima'**

**paata'**

Oksame tun angmøt tsame junang amaba  
pøndøkay.




## Pøng jøjpa biy tøkjø.


Bi pøng jøjpa biy tøkjo, biy mø' jønang, biy manakdøkay. Ga'døkay jømji yoxukpa, nøpøkxukpa, køpitsømxukpa. Yaki ya tsakømø tøkjo. Tumpon tijxukø tum kumkuyjo, gaji øy tsøkxukø eyak yoxkuy.



axa



aaxa



pixixi



piixi




pukø



puupu

# Yaktanø bi jayø



p\_xi





m\_so



n\_k\_

# øy tsøkpa.



j\_\_ma'

\_ kø


p\_\_ne



## **Bi nipa'**


**Bi aaxa yawa mok køxpa, yujkuy jokukjo  
tej'awe, yetso bi yujkuy øy koyumi biy  
nu' jønang.**


# 2




**Bi kumkuy.**

**Jemji døxja' jejtampa tum kumkuyjo.**







## Bi kumkuy.

Bin kumkuyjo jømji dø jøjtampa gaji, tøji maxantøk, angmaykuy tøk, tundøkay, bi tøk yøjøkaja.



**Maxantøkjo øy  
koxøaxukpa  
bi komaxan,  
møjmø pøng yak  
koyøtsoba**

**Juxtixa pøngdøkay  
jømji jaama'  
yanwakoxukpa.**




**Unedøkay yoxukpa  
angmaykuy tøkjo.**


**Yø' tøkjo tej'awø  
bi nax iy totodøkay.**




**Tsøkø junang bim kumkuy.**



**Jopiwø metsan tsame y jayø køjø.**



# Yaktanø bi tsame yay jayxukø.



\_\_\_tøkøyø bin yoya.

Bin awin \_\_\_ køxpa.



\_\_\_ tønpa bi pøng.

Bi\_\_\_wikpa nøjo.



Bi\_\_\_jejpa nøjo.

Wakax køxpa bi\_\_.

kumu'


tuki

pojok

kajang

mokxi

køpi



Nømø junang tsøkømø bi kumkuy.



**Antsoa bi tsame y tsøkø bim kumkuy.**

---

**Junang øy nøji bim kumkuy.**


---

**Tigo dexe øy nøji.**


---

**Jayø junang tsøkømø.**

---




Juxtixadøkay nømøy  
yoxukø tunjo.



Bi wakxi juxtixa  
yøkjopoyøba bi  
pøngdøkay.


Nømø tiyanjak juxtixa tøji døm kumkuyjo.





Bi matumu øy  
wøjankukaba  
awindøkay  
xøaxukpa go'.


Bi apøngdøkay  
øy møtsxukpa iwø  
yak pøtoba bi  
matumu.



Bi wakxi  
chikxadøkay  
øy ixtenxukpa  
bi xøng  
uwi tukxinømøgø'.

# Nømø tiy tsøkpa bi Kukjo øng.

Øy xemxukpa bi  
xempe minxukpago'  
maxangtøkjo bi  
yooma'døkay.



---

---

---

---

Bi weka øy pujxukpa  
tomexukpago' bi  
øngdøkay øy tsame  
motonxukø.




**Jayø bi tsame øy tsøkpa.**



jejpa\_\_\_\_\_.




**Bi\_\_\_\_\_møtsøba\_\_\_\_\_jønang.**



**Ap\_\_\_\_\_nømøy\_\_\_\_\_køxø.**

# Jopiwø bi nøjidøkay jayø køjø.



majkuy




mea


mixtu

mokxi

mupe


mø'a





## **Junang øy tsøkxukpa bi xøn.**

Bi xønmaxan tsøkømpa jak tukø, junang ney gaxe minpa awindøkay eyajokampøk kumkuyjo', bi komaxan øy pøkwixukpa kumkuyjo.



Nenja tøk'anjø waja  
kojam antene, wøjø  
tsokoydøkay ixø  
p a k x u k p a y a  
angjøkxukø.

Nax nipi angitampa  
t s a m k u y y  
kotsøkdøkay, yan  
pøngdøkay yoxukpa  
kotoytan ney nax  
poan.

**Jayø tum wane.**

---

---

---

---

---

---

---

---


---

---




**Bi pøng mok nipa',**

**Bi jaate kuy notspa.**



**Bi tøk tsøkpak  
pøng yoxpa.**

**Bi pøng mø'a mótsa  
tsamkuyjo.**



**Bi yooma' ane  
tsangpa.**

**Bi pøng xuwi takpa.**




## Yooma' paata' takpa.

Bin kumkuyjo bi pøngdøkay øy yoxpa  
mømjø yoxkuy. Teji eya matsøkpa,  
eyadøkay paata' takpa ney gaxe teji  
matsoba, anmayoba y wakax ixtønpa.


## Ama y nømø junang øy tsøkxukpa bi paata'.



**Jayø eyak yoxkuy øm ixampø.**





# Jayø bi tsame øy tsøkpa køjø.



**Yaktanø bi tsame nømøy tsøkø.**



**Ap\_\_\_\_\_ jungpa biy\_\_\_\_\_.**



**Bi\_\_\_\_\_ kømaøpa nu' køxi bi\_\_\_\_\_.**



**Bi\_\_\_\_\_ y bi\_\_\_\_\_ tsokpa chik pajak aka.**

# Jøxtsame metsan møtsi.

Bi mokxi mótspa,  
kokø nukpa.

Angnamtsu yuktenpak  
pøng, yoxkuy pakpa  
yøjkaja.

Nu' wojpa  
ya waxo.

Wøjøk pøngdøkay  
yak kotenopa bi  
t s a p j ø b i y  
yoxkuyjo.

## Apøng tsampa.

Bi apøngdøkay øy muxukpa ti biy tsamxukpa, pitsko nenja teji ke muxtamø ti biy nømxukpa.

Ga'døkay øy muxukpa junang de mintamø yø nax kopakjo.

Ney gaxe ga'døkay de anmaytampa junang de jejtampa. Apøngdøkay bi ankimtanpa, juxtxa tsøkxukpa ya jemji teke ga' tøkjo.





## **Bi tatbida.**

**Bi tatbida tsampa junang øm jejpa,  
jejokmanpa bi atspøndøkay kømatongø un  
nømjayø yan tsame.**

**Jayø bi tsame døm tatbida oktsamjayø.**

**Apøngdøkay tsame.**

kotena bi manakdøkay øy wikpaji  
winpøkwakja biy ixokuy um tuntsiwø  
eyajonan.

**Jayø tuan pøji tsame.**

**winpøkwakø** \_\_\_\_\_


\_\_\_\_\_

**wikpajø** \_\_\_\_\_

\_\_\_\_\_

**tuntsiwø** \_\_\_\_\_

\_\_\_\_\_



**Jayø bi tsame bi tsøkidøkay anji.**



**Yakø tane bi tsame tejiwanpø jønang.**

**jaama'**

**Bi jaama' moso taxpa kukjama.**

**jepe**

---

---

**jia'**

**yø tøm jømji køxoba jak  
pajakwøjpa.**

**jonen**

---

---


**jøyø**

**jak tsøkømpa bi jøyø.**


**najak**

---


---




mokxi




mokxidøkay



patánux



patánuxdøkay



koya



koyadøkay




ane



anedøkay

# Jaytanø kjøjøk tsamedøkay.



najak



jepedøkay



jepe



powidøkay



## Bi tøk'anjøk yom'une.


Døx øn wanpa dø tøk'anjøk yom'une'  
en son døm kumkuyjo  
y pitsønjo døx mix øn tøpa  
mosa yom'une', døx bim koyumi.

Um nømø kø jø, um nømø kø nøti  
si pitsønjo mix øn tøpa  
si pitsønjo døx mix øn tøpa  
mosa yom'une', døx bim koyumi.


Tok'anko døn kumkuy  
donde popa gue moso jøyø  
y pitsonjo døx mix øn tøpa  
mosa yom'une, døx bim koyumi.

Axta gaja gue tsamkuyjo  
patømpa gue tok'anjøk yom'une'  
komo tum angnamtsuk jøyø  
komo tum angnamtsuk jøyø.

**Jayø tum wane bim kumkuy øytí.**



# Jayø bi tsame øy tsøkpaji. Tøk



# Jopiwø bi tsame y jayø.



Tøjøk yetse tum pøng, gaxe  
okmangø biy \_\_\_\_\_ øy pøjajø \_\_\_\_\_  
bi nea y nax muji, ney gaxe \_\_\_\_\_  
bi nax, \_\_\_\_\_ peene jemjiyok bi  
\_\_\_\_\_ øy pøba biy xøkjo.

tok

tinay

tøxi

petkuy

taxi

# **Yake tane bi**



ayø nøntiwø.

iki



pukø



tøk



pojok



omokuy



komi



nuurd

kuy



## Kotsonkuy.

Mejme jayam bi kotsonkuy iy tsøkpa øy minxuko ney jaatongdøkay, nømxukpa dexe tukpa ya jaye tum yoxkuy. Dey ye jaama' tsekembanam, øy muxukpa ke dexe jemji yoxkuy tsøkømpa.

**Nømø ti kotsonkuy øm tsøktøba.**



**Junang øm tsøkpa tum kotsonkuy døm  
angmayduyjo.**






## Kotsonkuy

Øn wøjtampa  
jømji bi pøngdøkay  
nøkxukpago' joji,  
kotsong'oxukø maxantøkjo,  
øy nimanyojxukpa.

**Tsøko tum jayø pønkuy.**




**Um jukutøk patsø  
okmanpa bi jukutøk  
køngpa bi tsamkuy.**




**Tung wøjtsøktan  
pøngdøkay.**



**Bi putsputs jope  
tum xuyujo.**



**Um wøtamø bi  
tsamkuy, dexe  
ya takam tuj.**



## Bi kumkuy.

Bi apøng winjo jøjokmangø yøji kawam. Ga' tsøkoyø yø kumkuy. Nømxukpa øy yøkjowitøyø, gaxe øy juyø yø nax øn jejtampaji.

Deguinjo møjmø nax øn angitampa mayø pøtøy mini bi amintø, møxøyø nøki.



**Tsøkø junang okmangpa bi tsame.**



**Tsøkø junang okwakpa.**



**Jayø ti biy nømpa.**

---


---

---



## Bi tsamkuy.

Ixtentan bi tsamkuy, bi pajakdøkay,  
neydexe anmaldøkay.








## Bi tsamkuy.

Jemji nenja ixtentan bi tsamkuy un wøtamø  
bi kuydøkay, dexe tøtspa bi nø', xukpa bi  
kujangdøkay.

Nenti ju' in yoxtaman mikpak amintø, ney  
dexe ney manakdøkay.

**Tsøkø junang bi tsamkuy bim kumkuyjo.**

**Jayø tiyø teji gaji**



## Yaktanø bi tsame øy tsøkpa

tsin



Bi tsin møjmø  
yonpa

nøts



Kotsøkjo witpa  
bi nøts.

yooma



jømpa  
kajtsayjo.

popo



Popo bi tsoja.

tuxkuy



pøji.

komi



tsima' juyø.

pajak



Pajak tsikwi.

wøjpa



bi tsawi.


ane



køxpa bi tsuk.

# **Oksame junang bi tsame y jayø**

**kotsøk**



**Bi kotsøk møjmø  
kømang'ø øy  
ang'ikpa,  
potsoba øm wikpa**

**tsamø**

---

---

---

---



## køjap apøng.

Nømxukpa bi apøngdøkay teji tum  
koyumi øy ixtempa bi møa, kajang  
wakaxdøkay, ga' yaytø øm yakaba  
biy manakdøkay, yam yøktø bit im  
pakpa ga' ap yonøk pøng, øm nukpa  
pønøkpa tsamkuyjonang, degaji øm  
tsømwikpa.




# **Yonøk apøng.**

**Bi kotsøkdøkay teji biy koyumi, ga'  
wikpa bi móyøjønang, dexe kotsøk  
aka yøtspa, øy amapa iyanja pøkpa  
ney dexe pankuktsu yetspa kotsøkjo.  
Degaji ney ga ixtenopa bi chik pajak  
uy mótsixukø bi pøndøkay  
kuyjok anmaldøkay gaji tsinxukpa.**





tsuki



kajang



tsapatskajang



tsawi



tsapats mø'a



kuyoya




tsika



tøtsø



tsojin




tsa' puupu



tsawa




koke



wonja



weku



powi



wixi




xowa



maktukumkum



ux'okox



putaka



kakwe




nuuku



weni




tsinu weni




## Tøkjok yoya.

Bi tøkjo teji yoya, wakax, jaypiyu  
tøømxukpa øn køxtampago', yø døkay  
wikxukpa kumkuy aka ya yajøxukø.



## Kuyjok yoya.

Kuyjok yoya døkay tøji køn ixtentamø,  
jejxukpago' møjmø amintø xukxukpa yan  
ixtentama bi.



## **Yakwanakø najakdøkay bi jayøjo**

Bi \_\_\_\_\_ Kenpa ekenjo.  
 ixtentan bi \_\_\_\_\_ uy xukego'.  
 komi \_\_\_\_\_ øy ang'ikpa bin tsetse  
 Øx tsapje wikpa \_\_\_\_\_.  
 Metsexukpa \_\_\_\_\_ døkay.  
 Ap \_\_\_\_\_ tijø yujkuyjo biy  
 koyumimjønang.  
 Tunjo jak kojtso \_\_\_\_\_.  
 Jowa \_\_\_\_\_ ya pøtin.





Ixtentan bi tsamkuy takpa  
go' bi tuj, dexe de  
niptampa yujkuyjo.



Um yakjinøyø bi nø'  
wøkpa ja kjo, gaji  
nøpøktampa in uktampa.



Bi kuy øn wøtampa bit,  
winxan tsakømpa bi  
tsamkuy.



Bi nax un niptamø jemji  
amintø, ya tøma bi mok  
yan yak okjejtama bit



Tundøkay nipaxwaktan bi  
kuydøkay paxneye tunuk

# Jøxtsøkø metsan jomoxtukuy

Okmanpa bi tuj  
juuba bi møøyø.  
øm yukpoypa bit  
tøkøba øm tøkjo



Øm nipa' bi yujkuyjo  
poba jemjiyok,  
tøkjo jemji køxoba  
jomoxtukø iwø døx



Tsunxukpa bi kuydøkay  
dø amaxukpa bi nømøn  
jøyø tsokoy tøkøxukpa,  
bi kumkuyjodøkay



---

---

---

---

---


---




## Tsapats kajan tsampa.

Bi tsapats kajang øy patø tun  
juyønø, øy nømjayø nøki ixtan  
bin tøk jak tukø, gaji teji køxkuy  
para tum amintø. Bi juyønø øy  
oknøkøyø, wituwø yay patam biy  
mø', ap tsapats kajan iy otong'eyø  
iy niwayø, bi yooma' une tsake  
bi apkajang øyti, bi juyønø apu  
tuke gaxe kawe.

**Tsøkø bi kajang y bi juyønø**



**Tsøkø ti biy pokjaba**



**Jayø junang okwakpa**

---

---

---

---

# Junang tøjiyxukø



komi  
tsapats  
pøji  
kinkin



wejpa  
jeyjeywejpa  
pajak  
tam



jowa  
tsuxpa  
pøji




woywoy  
wakxin  
komi  
ajtan



anxukux  
køpøji  
wanin  
jatø



kupi  
xaxa  
waka  
pøji



**Jayø bi tsame øy tsøkpa.**



Teji møjmø  
jøyø.



Jak tukø bi  
nixuy.



Bi koya øy  
køxukpa.



yooma'ane  
tsanpa.



# Jayø maktaxan tsame.



yujkuy      tsønkuy \_\_\_\_\_

petkuy      tsinkuy \_\_\_\_\_

tønkuy      majkuy \_\_\_\_\_

jømkuy      pøngkuy \_\_\_\_\_

Kukjaama'




Kukjaama' yoxtampa tøkjo.


tsuji'



Tsuji' monpa jemji pøng.




jojo




jiya'




ayjøyø



xujay



tsajinkuy




taxi



moke




iki



patánux




piixi



møng



tuna




maxankuy

tsin




øøkø




tsøkx




tsikwi




naktemang




koka




pataja'



jamang



xoj



køwø bi tsoja popo.




køwø bi jøyø tsapats.




køwø bi winu yøk.



køwø bi ay tsuxpa.



køwø bi patanux putspurts.



## Bi kuydøkay.

Nømxukpa bi kuydøkay, jøyø poxukø tuman  
bi naxjønan, okmanxukø jejokmae tuman  
bi pøng jønang, jejxukø nøjo, yaki ya  
tukø, degaji jemjik pøng muxoyø ke teempa  
iy ixtønxukø.

Deguinjo yaki mayø ya tuko, øy muxukø  
øxta øy maøxukpam.

## **Jowane bi tsame.**

**Bin jaatong møjmø mok øy nipø amintøk  
Ya mok nipø bin jaatong.**

**Amintøk de jøyø tuktamø.  
Ya de jøyø tuktamø yø amintø.**


**Xøk maedamø yø' jaama'.  
Ya de xøk maedamø yø' amintø.**

**Ga' yooma tijø jøytijø.  
ya tijø jeytijø bi yooma'.**

**Xøng'anemø tøjøk maxantøkjo.  
Ya xøng'anemø tøjøk maxantøkjo.**



yan ixpøkø jøytijø.



yampa tijø paokjø.



Nøti tijø mejiku.



yaknøkmuxøyankejo

**Jayø bi tsame øm nømpaji nøti.**


**Tøjøk de tijø tsamkuyjo.**

**Wøkpajak møjmø joa'.**

**Bi kotsøkjo takpa bi tuj.**

**Ya minø bi muxobak pøngdøkay.**

**Yay nimanwakxukø bi maxantøk.**



## Jayø bi tsame øy tsøkpa

Bi yooma'døkay  
øy pøxukpa

Jemji xenjo iy  
pønøkxukpa  
etsxukpa go'.

Wipka chik pajak  
aka iy tsømwikpa  
biy tøk.

Jak pajak y  
jemji køxoba

Tøømpo xoxpa  
go' bi xøk

øy pejaxukpa  
bi xøk xoxe

Jak pøng wøkpa  
tun aka

Wikpa tsuji y  
kukjaama'  
mompa.

Nejo wikxukpa  
xoxpa tsapats  
tukpa.

Tejixukpa  
putsputsjo

Yooma' y jaate'  
iy angikpa


Møjmø  
yaje jejpa  
neytumø




## **Bi wakxi xepe.**

**Bi wakxi xepe minpa,  
bi wakxi xepe nøkpa,  
bi une monpa,  
øy jamokuyjo biy mama.**

**Jak tukø bi tsamkuy ixtənpampa bit.**



**Ya tukø bi tsamkuy yan ixtentama  
bi.**



## **Ixtentam bi tsamkuy**


**Ya wøjø yak xuktamø bi tsamkuy,  
ga'døkay de tsidampa je', tuj.**

**Yan ixtentama bi ya takan bi tuj, ya tenam  
mokdøkay.**


**Nempa apønjdøkay ga' wenu iy  
ixtenxuko deguinjonan.**

**Bi une yak nømø tigo' xukpa bi tsamkuy.**

# Jayø junang okwakø.



# Tsøkø maktaxan pøng bi tsame



## Jayø bi ap tsawi øy nøji

wa

way

---



---

wi

winu

---



---

wo

wonja

---



---

we

weka

---



---

## **Antsoa bi ontsøk' okuy**

**Bi tsawi iy nøji wa møjmø apuqm, pok  
yojpam.**

---

---

**Nøytsi bi ap tsawi tuan tsame.**

---

---

**Ok tsawi wi iy nøji wi wikpa neytumø nøyti  
manak.**

---

---

**Jayø bi tsame yay angitø.**

---

---

**Chik tsawi iy nøji wø, wakxingnam,  
angjøkpay kuy wite.**

---


---

**Jayetuan tsame**


---

---


**Kotsøk**



**tsajumi**




**tsamkuy**



**jøng**




**tsawowo**



**tun**





## **Bi tsamkuy jak maxø**

**Bin kumkuy angtome teji kotsøk, gay nø  
tsawowo, tsamkuy.**

**Bi tundøkay yøjøn kajan nukoy-xukpa,  
aptsa'døkay woynøxukø jemji amadampa  
junang tsonxuko.**

## **Kuyjok yoya.**


**Bi kumkuyjo teji xøjø anmaldøkay.**


**Jejxukpa: kajang, mø'a, kuyoya, axa,  
kuymixtu,juyønø, piyu, nu, yoya, koke.**

## **Jayja bi “,” bi tsamejo.**

**Yø kumkuyjo øy pønxukpa møjmø kuy  
okox: iki, ukum, anaxa patánux møn piixi  
winu.**

# Nømø junang biy pokjayø.





## **metsan marzo 1995**

Ye' jama' tijtamø bi muxoba jenan en witamø kumkuy aka, møjmø yoma ixtamo, tijtamø wøkpajakjo, en mintampakinixtamø tunjo møjmø putsputs, nømtamø bin wik awinjønan, eyak jama minpan ixtamo in pintampa.

**Jayø bim tsøkø yøjama'**

---

---

---

---

---

---

---



Bi winjok jaama'  
wantamø.



Bi kukjo jaama'  
tijø køpi pøki.




Bi tuanpøk jaama'  
tijøn ixi bin tatbida.



Maktaxanpøk jaama'  
tijøn ixtuki bin yome  
awindøkay.



Bi moxan jaama' tijen  
ixe bin tatbida.



Bi tujtan jaama' tijen  
wakax yakøxoyø.



Bi wøxtuktam jaama' de mótsøyø bin wit  
awin jønang.

**Døx in muxpa bin kumkuyjo jak tsamkuy.**

**Ney dexe teji møjmo kotsøk.**

**Bi wøkpajakjo jak koke.**

**Jamtsajo wikpa bi kajang.**

**Bin atsi mø'a yakawø.**

**Jayø bi “.” yay angitø.**

**Yujkuyjo yak tømapa bi mok.**

**Bi aaxa øy køxpa bi mok.**


**Ye amintø ya takø bi tuj.**

**Yaki ya xox ane køxø.**



Jaypiyu wanpa  
xønkø nømpam.

Bi nu' wojpa neyiwe  
tomøba.



Bi tsømokuy wejpa  
i y n ø m p a  
oreytanøk.

Bi najak wejpa  
takpa bi tuj



# Jayø junang wanpa bi piyudøkay



Bi mane' nømpa \_\_\_\_\_

bi wakax nømpa ma-a-a-a



Bi chibo nømpa me-e-e-e



Bi najak nømpa wek-wek-wek



# Biy tsøkidøkay

4



Bi matumu øy koxøapa bi komaxan yø kumkuyjo. Jayam øy koxøaxukpa bi komaxan.

## Tsame junang tsøkømø tøk'anjø.

Deguinjo yøji ya kumkuy mayø, yø tum tsamkuy, yø komo tum okjejkuy tsøki ondeju' minpa dø kotsøkuayødøkay, kankutsøkjó, jøytiwaydøkay, minpay okjejxukø yøji, nøkxukpago' Chimalapiya, popo pøngdøkay gaji jøjpa, gaji bi nøkpay matsøkxukø y juyo-xukpa. Degaji ga amintø minam bi pøngdøkay kopainalapø. Degaji bi kumkuyjo jatedøkay maixukø bi komaxan ya tøjitø kopainala, tøjitøpa tum kumkuyjo øy nøji.


Tøk'anjø. Yaki ya muxo ju' patømpa. Degaji bi apøngdøkay maixpay minxukø y maixøja yako winøkoba. Minxuko makan ko metsan øeng, øy kapminxuko bi komaxan. Naxminxukø tsamkuyjon, gaji mongxukø, ney gaji maixukpa. Møjmø jama' tungaxukø, yøtsxukø tum tsamkuyjo iy nøji sitio, xanganwakø. Gaji maixø tum øeng kø tomøxukpam.

Yøtsxukø tum chikpajakjo, gaji øy pakxukø bi møa metsødøkay tøk'anjø. øy ontsøkøxukø tiy møtsxukpa, antsongoxukø øy møtsxukpa tum kumkuy øy nøji tøk'anjø, øy økminxukpa tum komaxan, jøjtøba ga' kumkuyjo. Dexø tsøkømø bi kumkuy.



## **Angpøn pøng øy tsøki.**

**Bi angpøn pøndøkay winjo jejokmanxukø yø  
dø naxjo, pitsko ga'døkay øy yak  
pøkjaxukø muxokuydøk eyak pøngdøkay.  
Gaxe powø iy kumkuydøkay.**




Bi mok nipkuy øy  
jøxtsøkø bi angpøn  
pøndøkay, dexe dey  
jemji yoxopa.




Ney dexe ga'døkay  
xuyu tsøkxukø.



Bi winjok angpøn  
pøngdøkay øy  
jøxtsøkxukø bi mae'.



Ney ga'døkay  
jøxtsøkoyø bi xepe  
mae'.



## Nax nokojok pøngdøkay

Bi nax nokojok pøngdøkay, winjo mok  
nipokmanxukø biy kumkuyujo, øy  
nipxukpaji, niwanøxukpa bi nax,  
yotsønømpa, nax øy koyumi øy  
tsøkjaxukpauy kinkawø, tsønkøtakpa. Tum  
apøng winabay nøkø, nøkpay winxatswakø  
bi nax øy kopak, jøxpoypa bi nena', uwi  
yøkjowitøyø ga' yoxkuy.

# Xøng



Jayø tujtan tsame.

Tøjøk \_\_\_\_\_ tsøkxukø bin tøkjo y  
peene antun aka.

Tum \_\_\_\_\_ øy winxømpa bi  
pøngdøkay.

Ap \_\_\_\_\_ yowø bi xempe  
øy kopakjo.

Bi yujkuy møjmø \_\_\_\_\_ pitsko  
Yam tokoyø.

**Jayø bi tsame øm tsøkjaba.**

**Bi apøng jepa' biy tøkjo.**


**Tuang**\_\_\_\_\_.

**Xøng**\_\_\_\_\_.

**Jøng**\_\_\_\_\_.

**Kajang**\_\_\_\_\_.


**Ga'jønang**\_\_\_\_\_.



## Angpøn pøngdøkay.

Bi angpøn pøngdøkay yøtsxukø yø naxjo  
møjmø jayam, okmangø bi tukxi gaja øy  
jejpaji winjo, dø bi yay tøxukø pitsømxukø  
gajan.

Møtsokmawø minxukø bi ayuuk pøngdøkay  
jønang ga'døkay jønang ga'døkay  
nukoyxukø jønjonang y bi ney tatbidadøkay  
øy møtsxukø tsamkuy jønang. Dexe  
yøtsxukø yøji.



## Nøx nax.


Ye nax jejtampaji øy juyxukø ney  
tatbidadøkay pøtam møjmø amintø øy  
juyxukan.

Deguinjo yøtspa mayø axta paokjø. Døy  
møxiwam, de niwaktamawø.



## Kotsøk.

Pilakomun ga' nax maxan, gaji nøkxukpa deguinjoja' ney tatbidadøkay øy tsøkjaxukø bi nax kopak, wejø go' yak patømxukø.



## Waynøji.

Waynøji møjmø amintø øy kowikxukø bi apøngdøkay' gaji nøkpay tsøkjaxukø biy koyumi yak tøma biy mok niipidøkay.

**Nømø tí xøng øy tsøkxukpa junang y jutiya.**



## Apøng tsampa.

Yø jaama' mix tsøkjapa døm koxøn, øm  
ixtenpago' yø chikxa, yak nijamine dey win,  
yak øy wite weje tun, nønti ke yak  
jukwituoba de nenxawa uy tsonpa dey  
wikpaji.

## **Chimalapiya.**

**Chimalapiya tijø bi winjok kumkuy, tsøkømø  
bi angpøn pøngdøkay nax, gaji  
jøjokmanxukø bi winjo yøtsxukø  
pøngdøkay. Møjmø jayxukø jejxukø gaji.  
Pitsømxukø, okmangø bi jinøk putsi, wenu  
kanømø.**

## **Bi chikxa.**

**Bi chikxa yoxpa kuyjo, minpa gajang nøkpa  
nøjo ya okeja, ya moa tøkjo, tiyati øy  
tsøkmøxpa.**

**Bi y awindøkay øy amapa junang yoxpa bi  
atsi, ney gaxe tsøkxukpa ga'døkay, øy  
okwitøxukpa yujkuyjo.**

**Tsøkø bi tøjiwø biy nøji.**

**chik yom'une**

**chikxa**

**Yøji tijø tum kumkuy, yaje øy angiktijxukø bi  
wøkpajak.**

**Nømxukpa tome bi pøngdøkay yoxukpa.  
Gaji maxantøk tsøkxukø.**

**Degaji nimanyojxukø deji køtakxukø.**

**Jayø bi tsame in jowane.**


**Deguinjo \_\_\_\_\_ jejtamø.**

**\_\_\_\_\_ bi nø' øn pøktampa.**

**Jømji nøkpay mok pøkø \_\_\_\_\_.**

**\_\_\_\_\_ angmayø bim jaatong.**

**\_\_\_\_\_ pøtø eyajong.**



## Komaxan øy xøng.

Yø komaxan jømji amintø øy koxøaxukpa,  
bi atspøngdøkay møjaxukpa biy matumu.  
Bi xøng tsøkømpa tudujtan xepe kinan,  
moxan jaama' jaypa bi xøng, bi  
matumudøkay øy kotenpa bi komaxan, yay  
pønøkja wøjø bi komaxan øy koxøn, nøyti  
pøkjaba biy manakdøkay.



## Xøng øtskuy.

Nøy jaatongdøkay øy koxøaxukpa mayø  
tum komaxan. Øtspay wikxukø itijo,  
maxantøk aka, nøts pøkwikxukpa, kake.  
Makan pøng okwik'oba. Bi juxtixa øy wøjpa  
bi chikxadøkay øy ixtønpago' Matumutøji  
yø komaxan.

**Tsøkø tum xøng øm muxpa.**



**Jayø junang tsøkømpa bi xøng.**





Komaxan ap Miguel.



Xomaxan korpus kristi.



Komaxan Eskipula.



Komaxan ap Bernardo.



Komaxan Juana de Arko.



Komaxan José.



Xemana komaxan.



Kawampe iy jaama'.



## **Surpenen.**

**Bi surpenen komi.**

**Putsputs bi surpenpendøkay.**

**Tum pøng tsapats surpenen nukpa.**





**Wakxi surpenen kekpay wite.**



## Bi surpenpen.

Tum surpenpen  
pexpexyakoba jøyøjo  
muje tujo wikpa,  
me wakxi une  
øy matonpa biy mama otowe,  
y tung'apa ponji, ponji.








## Kawampø monkuy.

Døm kawam nøko tuman øm wøjabaji, nønti kem yak maixoyø øm witi. Øm kotenpa døm manakdøkay, øy yoxpaji, øy wikxukpaji, øm ixtenxukpa. Døm pønøkpa øm yøk ukuydøkay.



xøpu



Jøyødøkay




yo'døkay



juki



tamnø'




tømdøkay



kuy ankax



oojo



omokuy



tam oojo

Nømxukpa ney jaatong-døkay, pankuktsu wikpa bi kawampødøk.

Pitsønjo tej'eya iy tsonpa bi nenxawa, degaji toyøpa, øy yak nøpujpa iy win wøjøaba go'.

Matumu ya wøjø nøkø kanømøji, nømoba øy tsongø nenaxawa, neydexe bi atspøndøkay komaxan ixtønpa ya nøkø.

Yooma' jomanakøyø  
biy une ya nømo  
øy jøxmøkxø anjon  
kanømø bi. Biy jaaya  
nøkøy kotsongoyø  
bit, teji køy koomø  
bi une, uy tsong'øgo'  
bi nenaxawa.

**Tsøkø tum monkuy kawampø øyti.**



**Nømø tiyanja pønøkpa tum kawampø.**

---

---

---

---

---

---

---

---

---

---

---

---

---

---



## **Yom'une tsøkuy.**

Døxja mintamø mix okpoynuktamø døm tøkjo, øm otowtukpa bi, døm yomanak tsioyam dey tsame, ney pøkxukøpa jay'une jønang. Mix øm muxpa jemji yøtspa biy amintø mø' møtsapago'. Jay'une iy jaatong nimpa, øy jaxaketøpa bim yomanak.

Dey mix ti bim nømpa, nømopa øm pøktsongø bi neytsiokuy, pixko døxja øn komintamø.

Bi apøngdøkay øy tsamjaxukpa bi “komaxan” yakø iy kotenɑ bi awindøkay øy wikxukpaji, ney dexe yoxpaywitøji. Øy “winxatswakpa” biy kopak, yak pitsømø bi “nena”, øy wøjpa bi “komaxan” uy tsake neytumø.

Yø kumkuyjo mø’ “tsøknømpa” nøkpa bi jay’une’ øy jaatong, awin møtspa iy pønøkpa nø tum tsampøng. Bi yom’une’ jaatong “otoutukpa” øy muxpa bit, ke biy yomanak øy jayaba yoxpak pøng, ya mokoytuku.

Biy yomanak øy ontsøkøba naxe bi øy “otoutsiwam” bi jay’une’.

Dexe tsøkømpa tum yoma’tseke.

Tsøkø eyak tsame ama junong tsøki.

---

---

---

---


---

---

---



døx



døxja'

Døx køxoba angnamtsu.

Doxja' køxodampa angnamtsu.

Døx yo' køxpa.

Døxja' yo' køxtampa.

Døxja' pajakpø køxtamø.

Døxja pajakpø køxtamam.

# Yaktanø bi jayø

døx

døxja'

Døx yoxpa joji.

Doxja' nøktampa waynøji.

Døx \_\_\_\_\_

Døxja' \_\_\_\_\_

Døx \_\_\_\_\_

Døxja' \_\_\_\_\_

Døx \_\_\_\_\_


Døxja' \_\_\_\_\_



## Yooma' øy yote.

Bi yooma' øy axa y biy tsepe kejpa ney windøkay jutøn dø mintamø. Bi axa tum yote, ney tsetsedøkay øy tsøkxukpa biy yøkwijdøk. Jemji iy tsøkpa biy yøkwij. Yaki ya yote juyø.

Pitsko axa y tsepe te'empa ney jejkuyja go'.




## Chimalapa

Nøji ke nøjøtøpa  
tsima taxø de lapa,  
jamatin ixpøkøji  
øy angtene ya ixtomuxin.

Chimalapa  
yawa y tsuxtsux  
de muk y yoxkuy  
wøkpajak øy nø'  
surpenpendøkay yaktsinpa.

Bi nø nenpa  
powe pøtokuy tsøkpa  
bi koke nukpadøkay  
pøkxukpa gaji.

Teji øy wøjø nax  
tsapjø øy tsøkøpø  
møjmø wøjø  
øm pøwøk kumkuy



**Bi tøk'anjøk  
yom'une.**

**Døx øn wanpa dø tøk'anjøk yom'une  
øn son døm kumkuyjo  
y pitsønjo døx mix øn tøpa  
mosa yom'une, døx bim koyumi.**

**Um nømø kø jø, um nømø kø nøti  
si pitsønjo døx mix øn tøpa  
si pitsønjo døx mix øn tøpa  
mosa yom'une, døx bim koyumi.**

**Tøk'anjø døn kumkuy  
donde popa gue moso jøyø  
y pitsønjo døx mix øn tøpa  
mosa yom'une, døx bim koyumi.**

**Axta gaja gue tsamkuyjo  
patømpa gue tøk'anjøk yom'une  
komo tum angamtsuk jøyø  
domo tum angnantsuk jøyø**

**Yøjama tijø bin awin tsamkuyjo.**

**Nøktampa joji jøytijø.**

**Yoxokmanxukø tøjøk muxobadøkay.**

**Juxtixa kotsonkuy tsøkpa wøxtøkji.**

**Yøynam nøktampan tsintama.**

**Jopiwø tsame joji, tøjøk, yøjama y jayø.**

**Bin jatong mine \_\_\_\_\_ paokjøng.**

**Døx nøkpa\_\_\_\_\_ yoxe yujkuyjo.**

**\_\_\_\_\_ nuxpa ane køxtamø.**

**Kokijdøkay xøaxukpa \_\_\_\_\_.**

**\_\_\_\_\_ minxukpa yoyadøkay.**




## Neguikjok mótsi

Yø mótsi øy mótsøxukpa metsan u tuang une', tøji key tøngxukø tum konok kuy, øy wojaxukpa bi kuy øy tsokoy. Degaji jojipa tum wanin kuypit. Mótsøokmanxukpa biy wit awindøkay jønang.

Tenxukpa yaji, ya tome'.

Nømø    eyak    møtsi    y    jayø    junang  
møtsøxukpa.



**¿Ti bim nøji mix?**

**Ti biy nøji bi pøng tijø tøkjo.**

**¿Jutiya tijtamø kotsøkjo?**

**Jutiya nøktampa wøkpajakjo.**

**¿Tigo' øm nøktøbam døm tøkjonang?**

**Tigo' yam tsakømø tøkjo.**

**¿Iwø tijø tøjøk yujkuyjo.**

**Iwø yøtsø døm yujkuyjo.**



**¿iwø iy axa dø'?**  
**¿Tí jupipik tsøkxukø?**  
**¿Junang øy tsøkxukø bi axa?**  
**¿Jutiya øy juyxukø bi axa?**  
**¿Ju' øy maøxukpa bi axa?**  
**¿Iwø jønang øy pøwø bi axa?**  
**¿Tijønang tsøkxukø bi axa?**  
**¿Tigp' wakxin bi axa?**

# **Jowanø bi tsame.**

**¿Iwø tijø tøjøk maxantøkjo?**

**¿Tí biy koyukaxukpa yooma'døkay?**

**¿Junang øm yøtsø tøkjo?**

**¿Jutiya nøktampa xokijo?**

**¿Ju' tej'awø bin kanka?**

**¿Iwø jønang yoxtampa joji?**

**¿Tíjønang dø køpi tøngtampa?**

**¿Tigo' dø nøkpa yø jaama'?**



## Apøng tsamøtsioba.

Bi angpøn tsame, øy tsamxukø nøy tatbida, nøy jaatong, ney dexe nenja øn tsamtampa. Jayam yø tsame øn otontampa. Nømxukpa bi apøngdøkay bi ney tsame minø eyak kumkuyjon. Gajak kumkuyjo tsamxukpa tuman nønja jønang. Pitsko ney tsame un okjoødamø, tsamtan ney awin jønang, ney jaatong jønang, ga'døkay øy muxukpa.



tsiji  
chiji



jay'une  
jalon



surpenpen  
susepe



nu'  
wojpa



tsima  
chima



kajang  
ka'an



mono  
tsaxkuy



kuru  
kuymixtu

**Bi chiji wikpa tsamkuyjo.**

**Wøkpajakjo kekpa øy wite susepe.**

**Jalon angmaypa jøytijø.**

**Oko yomø ane' tsøkpa.**

**Apu chima jake ajtan.**

**Iøgay nøjo wikpa.**

**Yakchimpa taxø tøguy.**

**Tøk'anjø, moxan abril 1995.**

## **Atsi**

Joji dø nøktampa mønøjø, pitsko ya nømo  
øn nøkø døm tøkjo, dø wituba gajan øn  
tsøktampa bi yoxkuy.

**Bim yomanak.**

**Jayø tum kono tsame.**

# **Xokijo, maktaxan mayo 1995**

**Awin**

**Øøm nøkpa bi joji jøytijø, mix juyja tum  
kanka, wøxtøkji nøkpan døm tøkjo.**

**Tsøkøta eyak kono toto.**

---

---

---

---

---

---

---

---

---

**Jømji pøngdøkay.**

**Jømji bi pøndøkay, yampay yoja bi nø',  
yakø pøtø bi juxtixa anji, gaji nømø øy  
pøktsongø bi jamatin.**

**Bi juxtixa**

**Jayø yøkjopoy okuy toto.**


## **Tsamxukpa.**


Tøjøk tijøn ixi anaxa gaja tsamkuyjo - ap tsawidøkay xunø xukø kuy ankay køxi.

Ga' tsawidøkay jutønmo minxukpa, døx nømpa- tsamkuyjon.

Nøti- ney gaji tomøjo ga' jøjxukpa - tigo' tsumuknømpa nowajonang jukoyxukpa.

**Jayø eyak tsame y bi chik raya.**





## Bi toto.

Tum toto in oktsidampa nøkpago' yajø.  
Jømji nøkpay octsiøyø, biy tøkjo øy  
tsøxukpa, jayxukpa.

Bi jay'unedøkay øy toto tsixukpa biy  
yoma'døkay. Jømji nømpa totopit nømoba  
in nømø tun tsame yaki yay matoa.

**Ju' øy oktsiøyø bi toto.**

---

**Iwø øy oktsi xukø bi toto.**

---

**Jaypa øm pønøkpa bi ttoto.**

---

**Toto pønøkpa jay'unedøkay.**

---

**Øy matonxukpa bi toto øy tsame.**

---

















**Lengua zoque de San Miguel Chimalapa, Oaxaca  
Primer grado**

Se imprimió por encargo de la  
Comisión Nacional de Libros de Texto Gratuitos,  
En los talleres de

COMISIÓN NACIONAL de LIBROS de TEXTO GRATUITOS

